

*Penis scius.* teris, quod tunc feceris ocyus, ubi uirilis membri fabricam subiunxero: cuius situm Galenus prolixissime & eleganter recenset, quod nimirum citra sectionem is illum non minus lateat, quam hominis digiti, & ad inguina & poplitem inflexus, quibus locis duntaxat hominem a simia Galenus differre perspectu habuit. Atque ut situm in conspectu citra longiorem enarrationem est, ita quoque leui opera colligitur, quam is penis muneribus obeundis examissum quadret, neq; aptius aliquo reponi possit, ita sane ut moles ipsius & conformatio nulli non pateant.

*Penis constructio sub cuncta.* Constructionem uero ipsius subintrat duo quae illum praecipue efformare docebimus corpora, meatus semini urinæq; communis quatuor musculi ad penis radicem repositi, ac demum uenae, arteriae, nerui, cutis, & quae huic substernitur carnosa membrana, & uinculum cutem hanc cum carnea membrana peni connectens. Ex dextro itaque pubis osse, ubi id crassius & quasi teres ad inferiorem commissuram pubis ossa committentis sedem uisitur, teres quoddam corpus ualidissime principium ducit, ligamenti naturam prorsus referens, quod ab osse non nihil sursum recedens interno latere aliud contingit corpus, similiter a sinistro pubis osse pronatum. Haec corpora in eum modum inuicem committuntur, ac si utrumque manuum indices internis partibus mutuo iungeres, unitosq; fingeres. Ut enim interna indicum sedes plana, non autem gibba & teres, exterioris sedis modo est, ita etiam haec corpora quae inuicem connascuntur plana sunt, externis autem lateribus & superiori sede teretia inuicem iunctorum digitorum instar, qui simul commissi latius quam profundius corpus ad penis modum efficiunt. Deinde ut inferior sedes dehiscit, ac urinarius uesicae meatus sub se ita porrectum exigit, ac si calamus quo scribitur, inferiori indicum sedi exporrigeres, & indices tibi penis corporum loco, calamus autem urinarii meatus uice essent. Mox enim a corporum exortu ipsis urinarius meatus seu uesicae ceruix subtenitur, ac cum illis ad glandis usque initium in eum modum porrigitur, ut corporum substantiam nusquam ingrediatur: uti in glandis sede, ubi meatus in corporum substantiam duci paulo post audies. Corpora haec in hunc modum enata, simulq; commissae forsum singula oblongum referunt corpus, ex neruea contextum substantia, instar coriaceae fistulae, cuius interior substantia rubra prorsus, & nigricans, & fungosa, & atro sanguine oppleta cernitur, ad eum ferè modum, ac si ex innumeris arteriarum uenarumq; furculis quam tenuissimis simulq; proximè implicatis retia quaedam efformaretur, orbiculatim a neruea illa substantia tanquam in corio comprehensa. Atque haec duo penis corpora ad glandem usque priuatim singula nerueum retinent inuolucrum, & fungosam hanc substantiam summa diligentia a naturae operum studiose expendendam. Quum autem ad eam usque penis regionem perreperere, in quam glandem efformatura sunt, in acutum feruntur, & carnosa glandis substantia ipsis obnascitur, quae meatus urinæ seminiq; communem non subnatum duntaxat ut corpora illa exigit, uerum cum in se complectitur, meatusq; ambit, qui hic reliquo ipsius ductu amplior efficitur: & rursus suo fine extremo ue arctatur, non secus quam si Natura in coeubitu seminis moram, ac proinde intensiorem pruritum in glande (quam affricus potissimum occasione adauxit) esse cupi uisset. Vnde etiam inuoluntario seminis fluxu laborantes, hac sede plurimum ulceribus infestantur, propter seminis in hac amplitudine asseruati acrimoniae, urinarius meatus impense exulcerantem: qui profluentis urinæ mordacitate, dum urina redditur, in glande insigniter infestatur, non minus sanè quam rigido pene eiusdem meatus sedes inter anum & testes, ubi perinæum nobis uocatum habetur, consistens, grauiter eo malo affectis cruciatur: quod imprimis meatus obliquitatis ac reflexus, & deinde decliuus etiam sedis ratione accidit. Quum enim meatus hac primum sub penis corporibus sursum reflectitur, haecq; sedes humillima est, seminis copia a quo meatus exulceratur, non minus hic quam in glande consistit, ac proinde magis quam in reliqua meatus sede erodit, & deinde erosus meatus quando una cum pene tenditur, solutione unitatis uehementius inibi percipit. Porro uenae ac arteriae ad horum penis corporum radicem accedentes, ab illis deriuantur, quae humilioris illius diuisionis rami sunt, quam uasa os sacrum praetergressa tentare, in tertio libro prodidimus: & quamquam haec uasa ad penis corpora pertingant, uix tamen sectione assequor, quo itinere in corporum illorum cavitatem inserantur, sanguinem illum nigricantem & crassum, quem fungosa corporum substantia plurimum possidet, deductura. Rami tamen cuti haec corpora induenti, etiam ante sectionem conspicui offeruntur, illamq; intercurrunt. Nerui quoque huc plures ab infimis sacri ossis paribus pertingunt, secundum corporum longitudinem diffusi: ac duo tenues in humillima penis sede exporrigitur, unus utrinque ad meatus urinæ seminiq; communis latera. Quinetiam & alius subinde conspicuus est, superior corporum sedi qua haec inuicem connascuntur, expansus. His neruis accedunt membranae uinacula, superiores corporum sedem, qua primum sursum ducuntur pubis ossium commissurae

missurae ad eam usque partem necessitia, qua primum penis orbiculatim cute obtegatur. Musculi quatuor penem aduantes, in secundo libro descripti sunt: dum duos meatui urinæ, seminiq; & singulos singulis corporibus exporrigi recensuimus. Adeo ut nihil de penis fabrica modo dicendum super sit: nisi quis Naturam laudare uelit, quod nullum adipem inter carneam membranam & cutem peni obductas interiecerit, quo tenuius, & conuolui implicariq; & extendi aptius inuolucrum peni adaptaretur. Si itaq; humanum penem resecueris, non unum concavum reperies neruum, aut ligamentum a pubis osse enatum, quemadmodum Galenus docuit, sed duo quae descripti corpora: quae non uacua & sanguine indiga, ut Galenus bouum pene delusus male scribit, existunt, sed fungosa illa & ueluti carnea, uti Aristoteles rectè innuit, materia, & plurimo nigricante sanguine instar sarciminum impletur. Deinde ad seminis urinæq; meatus alij non exporrigitur musculi, quam duo illi quos a recti intestini orbiculari musculo pronasce ostendimus. At Arabes adhuc magis admiror, qui tres in pene finxerunt meatus, unum quidem urinæ dicatum, secundum semini, tertium autem illi uiscido humori, quem ab illo glanduloso corpore parari arbitramur, duo uesicae ceruicis initio circumnascitur, quicq; humectum penem subinde reddit uiro impensius coeubitu appetere, quum interim his omnibus unus extruatur meatus. Verum facile existimo hanc sententiam primum ab Arabe quopiam fuisse inuectam, qui penis sectionem aggressus, eiusq; fabricam Galeni placitis non conuenire animaduertens, tres arbitratus sit esse penis meatus, duo quae dixi corpora, & meatus semini urinæq; & dicto etiam nuper humori communem. Quandoquidem si transuersim penem resecas, neq; nigricantem qui inter secundum promanat sanguinem abstergis, profecto singula corpora singuli meatus tibi apparerent, quibus tertius accedit qui uerè meatus est. At expresso abstergo sanguine, fungosa corporum se offert substantia, leui negotio probans corpora illa meatus non esse. Vt cumq; tamen sit, hic Patavij adolescens iuris studiosus, ac nobili Symionum apud Foroiulenses familia natus, mihi familiaris est, qui in glandis apice duos obtinet meatus, unum semini, alterum urinæ paratū. Verum quum quae non nisi rarissime accidunt, hic nequaquam recensenda duxerim, ea quae praeter naturam se habere comperi, non lubens scribo. Quare etiam hermaphrodytorum species, quas aliquot uidi, modo non recensco, generationis non monstruosae mulieris organa nunc persequitur.

## DE VTERO RELIQUISQUE MULIERIS

bribus generationi famulantibus organis. Caput XV.

## PRESENTIBVS

organis ostendendis seriatim faciunt uiginti figurae &amp; uiginti figurae quintae, duaeq; illas subsequentes, uti illarum Indices diffuse docuerunt.



INTE omnia uterum (ne mox inter initia aliorum dissectionis professorum dogmatum turbis obruamur) in fundum & ceruicem seu collum perinde ac uesicae merito distinguimus: quandoquidem & si illis ambobus ceruice uidelicet & fundo uterum constitutur, unumq; ex illis corpus consurgat, ea tamen situ, forma, magnitudine, constructione, substantia, uasorum insertione, & exortibus, implantationibus, ligamentis, & id genus alijs, in uteri historia diligenter spectandis, admodum differunt. Ceruix igitur uteri a mulieris pudendo recta sursum sub pubis ossibus, & secundum recti intestini ductum in peritonaei cavitatem tantisper ascendit, donec paulo demissius quam è directo sedis pertingat, qua a pubis ossibus rectorum abdominis musculorum principia pendunt. Inibi enim ceruix in fundum uteri, aut fundus ipse in ceruicem definit, & rarissime altius protenditur, ac proinde humilior fundi pars hic habetur: superioris uero ipsius partis, & laterum sedes pro magnitudine ipsius uariant. Quanto enim maior magisque distensus est uterus, tanto elatius ad umbilici regionem protenditur, atque ad illa magis accedit. Adeo ut nullam peculiarem ipsi sedem circumscribere queam, nisi quod sub peritonaei anteriori parte elatius quam pubis sunt ossa plerumque consendant. In nullis tamen omnino mulieribus utero non gerentibus, fundus sacri ossis initium infimae lumborum uertebrae coarticulatum superat, neq; in illis fundus & ceruix posteriori parte aliud praeter rectum intestinum tangunt, uixq; ipsius etiam uincunt amplitudinem, neque elatissima fundi pars tam alte atq; recti intestini sedes, in coli anfractus ducta prorrepit. Anterior uteri pars uesicae habet praetensam, atque hac utero non gerentibus uniuersus fundus obtegatur, uesica nimirum altius illo procedente. Nunquam enim in muliere uterum non gerente, hunc tam alte atq; uesicam uel prorsus inanitam, conscendere animaduerti, nisi fortassis uterum manu apprehensum ipsius pro ducta ceruice sursum traherem. Prout enim hanc in se laxa

Lib. 15. de V. su part.

Lib. 1. de Hist. stor. cap. 13.

V. utriusq; fundi, dum &amp; ceruicem diuidi.

V. utriusq; partium, uicinarum contra.